

清音樓集

二

柳田文庫
文庫11
A1152
2



文庫 11
A 1152
2

清音樓集卷之二

朝散大夫山邨良由君裕著

良祺公壽

孫 良彰士德同校

良緒叔稽

七言律百五十三首

送人之東都

歌罷離亭日欲斜
連山一路武州賒
鄉心雲隔三千

清音樓集 卷之二



里客夢煙迷百萬家池上桂香台嶺月洲邊錦簇玉
河花清時試見金城下岳牧並朝同軌車

陪家大人遊田氏宅兼賀堂成

珠箔銀屏酒半醺樓成一日客如雲華燈上夜田工
正高蓋乘春黃使君江畔烟霞秦棧合驛西風雨蜀
山分庭階况有芝蘭美定識千秋奕葉薰同姓

春日過勝澤院懷蘭江師

廬岳春風彩霧披同携猶憶過橋時閒雲出岫遙天
去流水隨溪何處之松擁空廊人跡絕花園舊榻日

光移知君一別青峰後交比陶潛更有誰

送人遊高砂

此別何愁隔友生行吟自有碧山迎烟汀松暗千年
色雲壑鐘流五夜聲地接滄溟風物闊天連赤石月
明清句成囊裏多珠玉早晚歸來使我驚

寄良哉和尚結社三河

逃名無奈大名聞蕭寺避羣還作羣講法花飛中坐
雨安禪月照滿堂雲地齊豐沛山河美天挿芙蓉冰
雪分愧我心猿不休得日違真果走塵氛

冬日山居

瀑水層巖畫未工，蕭然一室石林中。
庭前充食黃精圃，屋外供垣綠竹叢。
濁酒有時親釣叟，烏藤引興伴樵童。
西山試欲携鏡去，積雪不知苔徑通。

為諷訪大夫千野氏壽太孺人七十

高堂張樂壽筵舒，朱檻臨湖興豈孤。
瓊膳鯉肥輕陸橘，行舟茵穩代潘輿。
日含城堞祥雲卷，松擁祠壇瑞氣餘。
別有芙蓉不騫色，千秋帶雪照階除。

訪隱者不遇

對文山澗音更在

垂楊門閉夕陽懸，浪跡難尋重嶺天。
獨釣應親波際鳥，偶耕誰伴野陰田。
巖前鶴刷羽毛立，松下童攤書卷眠。
石上欲題名姓去，羊腸路暗茂林煙。

山亭送人之江州

山亭西望曙雲連，探勝盤桓江國天。
龍去長橋遺跡古，寺存彤管美名傳。
碧松微雨平湖外，玉殿晴雲孤島邊。
泉石此中堪卜築，恐令風景誤歸年。

一谷懷古

鳴鑿昔日出巡，回玉座遙臨海岸。
開絃管豈知三奏

後旌旗忽下，九天來一時遺恨。王孫笛千載傳芳壯
士，梅總是興亡。堪俯仰斜陽浦上，使人哀。

張州懷高之文

離憂自覺鬢毛斑，花落三春猶未還。白日坐移城鼓
外，素衣看染市塵間。愁中歸雁他鄉月，夢裏清泉故
國山。更憶林邱蘿薜長，何時載酒共君攀。

悼兒篇

憶昨金閨一夢熊，歡娛三歲翠帷中。驪珠掌上光難
駐，玉樹階前色自空。荆棘影寒孤冢月，杜鵑聲怨五

更風平生謬說鍾情事，今日誰知到我躬。

過興禪寺奉懷道偉君二首

廟前踈雨倚欄干，回首當年思萬端。悵望白楊風外
響，陰森翠栢霧中寒。昔如春色芝蘭美，今似秋光棠
隸殘。坐久難禁紅淚墮，岐山翻作峴山看。
陪筵憶昨弄埴簫，屈指偏驚歲月移。諸弟今存纔有
我，羣臣曾侍是何誰。萬松風起經聲響，千嶺鐘流雲
色垂。曾喜吾家仲謀出，深慚獨駐一豚兒。

初夏枕流亭偶題

江樓醉倚夕陽前山嶽高低紫翠連遊似少文寧借
畫隱齊支遁不關錢深林花落人蹤絕幽徑雨晴苔
色鮮對此何須勞意匠坐來風景自成篇

首春與宮正忠登清音樓

青山綠水古城頭共愛清音更上樓篋裏輝光雙白
壁酒中歡賞一虛舟雪殘江月寒猶動梅發野烟春
漸浮恰喜窓前多翠竹玄言自似晉人遊

遊野婦池

滿壑烟嵐不易攀青叢中斷碧池閑淪漪小壘巖頭

樹冰雪翻懸鏡裏山狼吠陰風危石外鷗巢古木宿
雲間深林日落迷苔逕夜火偏侵藤竹還

送石作士幹之張州

憐君去國混風塵不為烟霞負老親行侍潘輿山漸
豁居隣梁苑雪方新金罍日射張城曉鮮月雲開蓬
島春自有詞壇千載計何妨暫作折腰人

維明和尚過福關介松道師見贈蘭畫一幅予
不及一面憾可言哉因賦却寄

孟鉢朝辭雙闕西烟雲一路向岨溪關門難駐青牛

過荆棘寧令彩鳳棲飛錫蒼山驚鬼魅揮毫碧澗起
虹霓先容更有芝蘭贈入室何年慰慘悽

石作士幹遊東都訪大湫先生謁延陵老侯經
甲州而歸鄉賦此寄之

曾為煙霞江左傳西風幾見落階窠瓊筵暮把元王
酒薜幄秋過揚子亭富嶽日光開雪嶺鷺湖雨色擁
雲汀歸來若問吾曹事屋外千山依舊青

雲間予患眼久賦而自遣
秋來秋去自霜天獨坐蕭條藥物前雙鬢多愁鬢為

素一身無侶日如年牙籤案上常休戰竹葉飲中長
負仙時有呻吟添感慨陰風積雪轉淒然

遙寄題三原妙正寺

青松繞嶺寺門幽下界晴分趺坐秋月照禪心臨石
上風吹僊梵落城頭遠村烟暗千家樹大海雲開雙
鷺洲鯢島駒山三萬里安生六翮此遨遊

客中間雁

夢後憑欄驛北樓南飛鴻雁過江頭孤燈本自悲涼
夜四壁况逢搖落秋寒影高低隨月度哀音斷續與

風流休言千里傳書信相對還添一段愁

過長福寺賞垂絲海棠

名花安在五雲端似柳枝枝倒拂欄香傍金爐飄淨
域色侵玉塵助清歡空中濤起衣疑濕春半雪飛風
不寒更禮竺王深洞裏徘徊都作白毫看

咏楓

曾江秋染白雲中夾岸山山五色同誰識紅黃千葉
巧都歸霜露一朝功霞標恨不逢孫綽錦障好堪驚
石崇總為朱顏元易老飄零作雨逐西風

良哉和尚見訪草堂

空林為謝遠躋攀瓔珞相逢話自閒三十三天微笑
裏五千餘卷片言間捲簾城下江如珥倚檻松梢月
似環此外由來乏供給惟餘四面舊青山

三月晦日清音樓集

九旬如夢送芳辰且喜今宵留雅賓詩賦千秋輕屈
宋交遊一座比雷陳穠花風布林間錦煥草雨舒庭
上茵不惜此筵韶景盡曲中元自有陽春

與石作士幹過山寺贈僧

四野蕭然晚照紅霜楓深鎖梵王宮座忘香臭薰
猶共遊入道遙鵬鷗同千嶺南奔青靄斷孤村西
拆碧流通相逢三笑應斯地不識何人晉遠公

九日與三邨公幹同登天山

山光寂歷絕塵氛况復黃花把對君樽酒自誇王
太守風流誰繼孟參軍千巖踈雨丹楓亂一帶清
江白練分總為斯身坐空裏詩成字字欲凌雲

空林咏鏡

一吐清輝未暫休常看物象互相留團圓明月
光無

缺澄徹寒泉澗不流新樣嬌生翠眉色高歌感至
白頭秋寄言年少紅顏子顧影時思遲暮愁

哭熊耳先生

春風曾樞客衣還清宴猶思當日顏豈識哲人歸
下壤空令髦士仰高山才賤一世諸儒上羽翼千
秋六籍間獨有東方明月色愁中依舊自團團

咏紙鶴

何來小鶴弄璋邊片紙裁成自皓然白羽欲飛紈
扇上素姿如唳玉琴前綉茵疑見芝田草畫障誤
親闈

苑烟兒女掌中相狎久幾時高舉去蒼天

山亭雨中春望

春風憑几對崢嶸細雨冥濛天未晴檻外紅花含露
色竹中黃鳥隔烟聲山谿霧覆林看失野寺雲移樓
半明偶有家童買村酒一杯誰識此時情

雪中枕流亭集

幽亭雲鎖碧流隈岸幘相迎高會開手裏清談閑對
局人間大藥但啣杯松梢雪霽連山出溪畔月明孤
雁來向曉餘酣興猶在瑤華林外放歌回

送人之鑣倉

千里勞君東海遊鑣臺風月可相留三公廟壞埋青
草九世樓空餘碧流落日鶴飛岡樹暮輕風禾動野
村秋長天併有鄉關思山水况含今古愁

戲咏岐岨河漏

冰漿金橙王盤連中有千條銀縷鮮往往齒頭飛雪
灑時時筋上瀑泉懸翰思鱸膾情空切機傲尊羹名
幸傳非是人間廚裏物高樓餐罷擬神仙

過石林先生故宅感而成詠

停馬門前一憶君，人非家是共誰云。淒涼藥草墻前，
圃黯澹書樓窗外，雲風冷梧桐荒，鳳穴露多荆棘噪，
雞羣躊躇不似當時色，獨見青山落日曛。

張州和荅石作士幹

為客栖栖天一涯，頻驚物候目前移。曾辭松澗冰生
日猶滯，江城花落時。大國交遊無鮑叔，各天山水有
鍾期。我今遙欲投珠去，光彩恐令流俗疑。

三日荅士幹病中見贈

曲池風雨曉冥冥，忽見雙魚傍淺汀。消渴不妨司馬

賦餘寒空鎖右軍，亭窓中嶽雪孤峰。白簾外階奠三
葉青，日暮把琴無賴甚，離鸞操罷復誰聽。

送人之長崎

憐爾回舟賦壯遊，浸天潮水望悠悠。鰲身暮捲波濤
雪，蜃氣朝開十二樓。九國地臨滄海盡，三韓山隔白
雲浮。清時元自多來貢，試見萬方長仰周。

觀製冰餅

寒林棟秀碧山隈，仙吏朝朝奉職回。月色漸隨金杵
滿，雪華頻灑玉盤來。凍時銀鏡當筵照，削處瑤花繞

座開怪得竈烟成，五彩薇垣貢去上瓊臺。

將巡部留別男良濟及上田静高之文

乘暇東郊出一巡，垂鞭小队發江濱。矜窮縱似分憂

吏裁賦應同探勝，人巖岫月飛千樹曉。茅垣梅綻幾

村春，此行何用嗟離別。到處山川自作隣。

城山懷古 山上有我祖所築城趾

城山突兀大河東，密篠埋溪仄徑通。古堞雲飛餘碧

樹，空壕露冷自青叢。誰知今日幽尋樂，都在當年戰

伐功。攘臂相看談往事，斜陽既落嶺松中。

寐覺林 雲與江古所縣民二十里劉巖題曰

寺前溪水自遙空，響動樓臺雪色通。白象石奇眠岸

上，青螺山疊入波中。藤蘿雲鎖仙人窟，松柏巖高天

女宮長夢世間何，日覺深慚官祿絆斯躬。

羅天 岐岨道中，最嶮處

九折阪回登半天，俯窺千仞起蒼烟。方疑共鳥過雲

表，還似追猿度樹巔。棧道虹橫山腹際，溪流雷響石

崖前陰平巴蜀何，堪比却笑王尊叱馭年。

宮原懷古 源義仲之宅趾

吊古徘徊野水湄朱門何處失餘基威震北越且千
歲名動中原彼一時花發巴淵留粉黛雲凝旭嶺建
旌旗深林寂寞無人過獨有流泉咽石悲

巴淵旭嶺皆地名

冰湍

路盡懸崖老樹橫
阡危斯處使人驚
長梯倒踏巉崑
下獨木直凌雲霧
行天女廟荒青草
合驪龍窟古碧
潭平曾山勝際知
多少風景先稱第
一名

王瀧祠

峰高石磴入雲通
上有古祠稱鬼工
十里陰巖遮白

日千章老木掩晴空
迸泉仰處飛為雨
深窟窺時忽起風
村老向吾談故事
威靈髣髴紫烟中

岨山道中賦示石作士幹

同心載筆日相親
臨水登山已一旬
嶽秀五千餘仞
雪溪分三十二村
春衣裳全染烟嵐
氣杖履偏違市井
塵屈指流觴佳節
近歸來何地弄芳
辰

九日登長田山三首

佳節豪遊况屬晴
嶺頭連坐此時情
遮風松柏如屏
茂受膝莓苔似簞
平山靜閒雲常漠
漠林深伐木遠

丁丁偏欣到處秋光好，又向前峰携酒行。
行吟相伴步嵯峨，曳杖偏憐幽趣多。
往往老松遮足，偃時時飛鳥拂顏。
過添風激石泉，送響隔嶺採芝人。
互歌高興未酣，林日落空嗟不得。
魯陽戈移席，層巒引興長。
杯尊幾挹菊花香，思詩不語時如睡。
乘醉高歌或似狂，天未嶽雲峰隱見。
烟中村樹葉紅黃，斜暉頰盡知何待。
更望松間月出光。

岐岨道中二首

征鞍曉發度江濱，四月深林霽色新。
杜宇一聲纔報

夏櫻花千朶尚留，春光看轉臨溪路。
詩思行移坐轎人，日暮雲邊何處宿。
數椽山驛自無塵，行行山路入雲長。
更捲轎簾應接忙，垂柳隔崖鶯弄影。
落花浮水雪飛香，節遲夏景如春景。
路熟他鄉似故鄉，到處主人爭勸酒。
思家何用淚沾裳。

聞石作士幹新築書齋有此寄

一室蕭然官舍陰，避喧何必向山林。
逢迎混吏朝朝跡，玄默攤書夜夜心。
窓近青松懸落月，垣隣朱邸聽鳴琴。
休言邱壑多幽賞，何似雄都大隱深。

贈柳隱師師善
棋

共識和光心地清，人間任唱奕秋名。
臨枰元自通禪寂，下子何曾解世情。
默對松窓寒月色，閑聞竹院颯風聲。
橋中吾亦稱仙侶，休怪忘歸坐五更。

夏日訪平洲先生宅與諸子同賦

池亭幽賞好相忘，筵會羣英甲邨郎。
傍魚美由來笑馮氏，醴甘應識寵元王。
畫中叢竹風聲動，庭際深松月色涼。
遮莫林園子規叫，醉遊斯處不思鄉。

和荅足利子寬

封書豈但報平安，多少風流開卷看。
京國探花雲錦滿，江天剖蚌夜光寒。
關河縱恨身非鳥，臭味偏欣心似蘭。
若問岐山暮秋色，雪華今已徧層巒。

秋日謁御嶽祠二首

東窓候曉ト陰晴ラ，小隊出門方五更。
巖岫雲飛霜後色，溪流漲雨餘聲。
賣魚村婦携籃去，採藥野翁持鉢行。
踰嶺神壇知漸近，蒼蒼琪樹彩雲生。

畫棟雲開大麓傍，連林金碧倚穹蒼。
千齡綠樹棲龍窟，百步青苔調馬場。
舞影日斜秋霧散，樂聲山響晚

風長神威肅肅遠顏近先唱昇平祝
聖皇

管相祠 在木曾山中者

補袞當年動頌聲浮雲遮莫蔽光明
雷風百里周公德文藻千秋屈子名
祠背深山松月冷階臨寒壑雪梅清
威靈萬古神如在仰止長令四海傾

九日寄宮正泰正泰時伏疾在于城山中漱玉

亭

知君謝客卧林丘服藥哦詩事事幽
方識據梧時弄

筆何妨擁褐遠回眸松門雨靜無人過
竹徑雲深有鹿遊病裏休言負佳節風光
獨領萬山秋

季秋遊長福寺圍棋

秋樹陰森傍檻垂香臺風雨捲簾時
庭中紅點楓千葉瓶裏黃殘菊一枝
境淨忘憂寧借酒室幽高興好圍棋
手談終日都閑了昏黑從他蓮漏移

嘗所托長洲侯竹畫成且見示客中
詩因賦贈巖阿霜落晝蕭然喜見孤鴻
破嶺烟展畫竹風生座上吟詩驛路在
顏前駒峰暮景曾同席來海秋雲方

隔天為政昇平多暇日遲君新著更相傳

十五夜山亭賞月

夕麗天晴暮雨收佳賓迎得一登樓月方三五微雲
夜地自深沈絕澗秋翠壁風來松影動青峰烟鎖鹿
鳴幽寄言世上輕肥客解此山中逸興不

寄源子敬

君居西海我中州雙鯉迢迢不易求蘭渚月明誰共
艇松峰雪霽獨登樓各天同好琴詩酒兩地高歡風
馬牛關塞時平通萬里何年命駕問林邱

戲咏走馬燈

新製紗籠綵架奇影成龍馬自然馳毛衣不辨花紋
色奔軼偏憐汗血姿流電去來何借策追風旋轉豈
堪羈蘭膏地盡無蹤跡方使中涓徒怨思

送女浪子旅櫬還歧岨

青春憶昨度岐山丹旆豈圖今復攀容在目中何日
滅魂遊泉下幾年還陰蟲呼怨門庭外殘月懸愁驛
樹間風物淒淒無限恨哀號更覺鬢毛斑

謝清公蹟見贈新刻詩集時舟覆詩鈔六羅其

兀然遂探得而達

瓊篇寄到路迢迢忽值惡風隨暮潮氣色元知驚海
若沈浮非是遇洪喬菽園珠玉方誰競詩社聲華借
爾驕開卷任他京洛遠吟哦時使別愁銷

初春留別石作士幹

離家西指尾陽城棧道春寒未聽鶯積雪峰峰埋樹
色流冰片片觸巖聲彈琴暫廢高山曲驅傳偏慚小
草名囑爾清音樓外水歸來待我濯塵纓

石作士幹雪中飲餞予於翠山樓分韻得七陽

祖席園幽好舉觴殊憐飛雪興情長遙天忽失青螺
嶺近廓新開白玉鄉揮塵玄論時擬晉擁爐詩戰或
凌唐只言海内存知己別後不愁途渺茫

畫棟天寒暮嶺傍幽人寵送此銜觴爐中獸踞筵常
暖瓶裡梅開座自香隔水鐘聲雲外寺臨崖樹色雪
邊鄉斯亭斯興乾坤別離席還令離恨忘

除夜書懷

時予將之東都途中以疾滯木曾

為客東西尚未休寒空抱病暫相留鬢邊霜雪行箴
計簾外江山去住愁星色漸迎春氣轉年光看共夜

鐘流揮鞭一向雄都發何歲歲除凭此樓

春日過翠山樓兼留別主人

文友逢迎錦水濱暫忘驅傳共相親野村梅綻橋邊
暮山廊雲開月下春自笑在鄉還似客誰期近市更
離塵重來對此知何歲嗟我東西南北人

奉賀

尾公六十初度時世子代公在尾州

德成遐福自皇天端委心閑不羨仙謳起伯禽居魯
日祥多姬旦佐周年園來白鶴峰巒秀殿擁彩雲金

碧連封內豈唯稱祝壽萬邦兼唱九如篇

奉陪

尾公入楓山畫堂對舞樂羊斟齋再聞笙

大廟大駕之謁大廟也三

禁籞憑高城闌隈松園金榜曙雲開旌旗日照朱簾
捲笙鼓風清玉輅來羣牧肅儀分五等宗公助祭
比三台殊欣四海昇平曉端笏深恩列後陪

遊玉川

離城頓覺市塵踈玉水風光畫不如山斂翠嵐烟擁

慶川搖白練日斜初村中繫馬時炊麥汀上移羶或
買魚對此悠然心自會尋源何必問仙居

謹奉送

白世子旅櫬經岐岨還尾州

素車朝發武昌城慟哭何人不濕纓天地未看鵬翼
展風霜先使玉山傾鷺湖片月寒雲色岨谷哀猿半
夜聲一去仙遊蓬海遠幾年緱嶺再聞笙

暮春谷石作士幹見寄

翠山樓上醉援琴更喜詩盟隔歲尋文彩依然雲錦

巧玲瓏不改玉壺心水流岨谷春光盡花落江城暮
色沈遙識攢峰齊竦誚曳裾其奈主恩深

致仕移居作

懸車歸去赤橋東官跡回頭感不窮扈從幾趨丹陛
上恩光常侍玉堂中花邊譙會三公麗霜後園留
萬乘紅蹇劣深慚負清世隱淪非是慕冥鴻

哭石作士幹

離居路遠久傷神何謂忽為泉下人天地縱能留麗
藻廟堂堪惜失名臣烟霞色慘梅園夕猿鶴聲悲水

閣春海內回頭知己少暮年岑寂奈斯身

送南谷君之官甲州

雄心叱馭向西天客裏雲山驛樹連谷暗白猿橋畔
雨家遙赤羽水涯煙邨豐四野葡萄熟嶽近孤城菡
菖懸霸主遺蹤多古意知君官暇幾成篇

災後移居

遁火潛行墨水東暫隨鷗鳥寄斯躬秋光恰好烟波
上月色還多野館中古在張儀嘆才異腹存邊氏耻
書空詩篇何怨能藏拙一笑回頭謝祝融

游畫島宿山寺

金龜島秀彩雲間求寺羊腸薄暮攀窓外波濤千里
水巖頭樓閣萬尋山目親鷗鳥心偏淨耳伴松風夢
亦閑一夜自疑天上住何堪明日向人寰

方壺山人來岐岨見訪草堂喜而賦贈

蠶叢路險翠烟迴有客遠携椽筆來劍閣月迎張載
照浣花雲待少陵開遨遊海內詩千卷富貴人間酒
一杯美玉知君方韞匱願言觴咏卧蒿萊

同諸子賦岐岨諸名勝分韻四首

帝降房星峻嶽東化為神馬躍長風人間騏驎何爭
步天上螭龍欲競雄石兀五千餘仞頂雲紛七十二
峰中奔蹏應有山靈馭金勒時時響碧空

右駒嶽 嶽之半腹有平地
處蹄之調馬場

王孫一去草萋萋古趾千年野徑迷潛匿龍蟠岨谷
裏扶搖鵬搏洛城西除宮縱更迎鸞駕還寧何圖困
鐵驪霸業不終無限恨空壇寂寞葛覃兮
維昔天孫下我封嶽巔壇古紫煙重颺風壑動飛雷

右宮原 相傳源義仲曾住于此
地至今古祠存焉

鳥池水雲垂躍雨龍菡萏平臨孤頂雪波濤俯見萬
山松道人曾自開仙路佳氣蔥蔥繞碧峰

三古嶽右御嶽 西竺山月文射面經年

惟蜀之門峻嶂攢纜通一棧涉噴岬淵藏颺颺洪波
湧岸伏虬龍老樹蟠千騎千旄旋嶺頂兩都官驛在
雲端新開嶮路清時政今古誰言道德難

右棧道

壽尾藩大夫大道寺君義五十

大邦君子日乾乾翰墨優游半百年職護臺城招後

士坐聯卿相映羣賢案埋詞賦千秋雪階擁蓬萊五色煙共識姓名驚霹靂世傳懷大道寺花長生何必問神仙押者免震死之禍

與方壺山人及諸子過興禪寺因懷東隣師

回磴相將出市煙烏巾鶴氅訪安禪十尋松老莊巖地五色雲齊兜率天才耀彩毫餘八斗談揮玉麈究三玄曇摩一自歸西竺山月長懷面壁年

關原懷古

姦賊媮名據舊都王師燹伐此馳驅鳴條鼓響來羣

牧涿鹿旄麾合九區佞幸回天人若虜奔逃踏地駸為駕中原一自鯨鯢戮堯日高懸照海隅

和美濃體圓道士見贈

提芥曾登幾洞天神符役鬼侍香筵應酬沆瀣酬仙侶且弄牙籤友世賢煉藥龍降雲裏鼎彈琴月照竹中椽欣君縮地蓬瀛上拾得明珠吾黨傳

寄題周南不昧居庭松

君侯種樹玉為欄灑掃朝昏踧踖看護若甘棠無前戕愛同脩竹報平安含風蓋惹蘭臺快帶雪條頌免

苑寒鳥借垂天南徙翼共斟仙鼎一留歡

寄石梁先生

懷辭勞君動遠行微言日夜助和羹三鱸豈啻關西
譽八斗兼傳鄴下名揮翰風霜金殿滿撫琴山水綺
筵生別來詩興休相問白髮咀溪一老僧

哭上田靜

驚聞玉樹一朝摧懷舊同遊知幾回峨阜春花曾載
筆墨河秋月共銜杯風流豈只知音失家國應嗟良
弼虧杜宇似知吾恨切聲聲叫血暮雲隈

長福寺奉謁蟠龍君墓

君嘗親負佛經納諸州靈場又有戰袍血痕尚

龍山吊古此翔翱回首深嗟創業勞岨水波添仙梵
響臺峰雪映佛燈高五雲曾擁擔經笈百戰今留濺
血袍遮莫碧苔封墓石大名誰不仰賢豪

十四夜重遊小松氏亭贈主人翁

園松含雨夕陽收入座且懷當日遊健在先欣雙短
髮逍遙又泛一虛舟春歌響靜山村暮牧笛聲幽野
徑秋明月任他光未滿十分清興倚高樓

壽高瀨橋翁八十誕辰翁好棋

玉樓稱壽酌香醪且會諸賢興更豪
岨水波含祥霧湧駒峰雪擁瑞雲高
對碁翁是洪崖輩裁賦實皆太白曹
共識君家煉神藥求仙何問戴山鼇

中秋三樹樓與今井生同賦

行尋名勝夕陽收乘興偶登三樹樓
萬點紅燈分兩岸一輪明月滿中流
嬌絃急管家家興妙舞新歌閣閣遊
共散千金競驕傲何如二子賦清秋

將赴播州舟中口號二首得八庚

七星光轉海天晴川口橫舟方五更
遙嶺高低朝霧破危檣遠近早潮平
老松沙暗須磨浦古堞雲開明石城
無奈詩思無暇熟名山次第入蓬生
返景依山歸鳥鳴揚舲猶逐晚潮行
暮烟籠岸江村暗夕麗浮波水路明
秋月推篷窺海色曉風敲枕聽鐘聲
霜天起坐看漁火想得楓橋夜泊情

遊高尾山賞楓

高尾山頭夕日春臨溪霜葉幾重重
疑持猩血澣危岸似集珠簾掛攢峰
白露湛邊光益媚青杉隣處色

逾濃隔溪門近神宮寺錦繡堆中響暮鐘

中秋會方壺山人及諸子於草堂值雨時川合

襄平偶到喜而有述

掛冠幾歲罷長裾巴蜀棧東一漱廬開社縱誇詩有
玉留客深耻食無魚轉荷湛露含風散咽石飛泉帶
雨餘况逐新知樂何極浮雲遮莫覆蟾蜍

小野瀑布

翠壁高臨行路隈玲瓏瀑水接雲開白虹看下溪邊
飲銀漢直從天上来噴岸常飛千斛玉瀉巖長響四

時雷風光不減廬峰色吾輩慚無太白才

御阪古道

御阪驛荒高樹森亂藤渡路綠苔深鹿來王子迷山
麓書就文人卧桂陰兼好嘗于此煙岫猿啼驚旅夢谷風
花散入清吟當時侯館知何處連嶂回頭嘆古今

賦得雪中觀獵

漢將于田翔塞傍原頭白草雪茫茫重環盧蹴瑤花
吹掣鏃鷹衝玉絮翔却月翻身弓宛轉寒風鳴轡馬
騰腰釋柙歸過新豐市呼酒論功意氣揚

通天橋觀楓

蕭寺紅楓絕俗塵不妨苔徑引幽人林間暖酒三秋暮山下停車二月春千尺危橋懸錦筍一條清澗洗霞新潮音閣上西風起飛作天花滿四隣

寄天龍道人

道人高卧戴湖東醉倚竹欄秋色中城郭飄飄浮巨浪芙蓉突兀挿晴空寫真共比王摩詰甘隱堪雙龐德公半夜思君夢方覺山如翠黛月如弓

聞諸子集久昌院有此寄

蕭寺宵閒揭寶簾相逢緇素自厭厭社中逸興琴詩酒方外高歡遠靜潛交態熟時情益淡玄論深處味逾甜清遊不問蓮華漏駒岳峰頭落玉蟾

和三村貢永井祥再三唱和之韻

騷客為隣傍碧江推敲永夜各親缸毫端雲亂飛龍鬪紙上色鮮文錦雙吐去珠璣光互照擲來金石響相撞堂堂筆陣元稱匹爭霸何須更請降

冬日謁鮑山君廟奉追懷

二十三年過隙中猶懷夙夜擢孤忠時朝魯殿傾瓊

爵樂入周庭拜紫宮政就清閑同子賤民淳教化比
文翁廟前回首為今古黯淡山河起北風

龍谷雜詠應需

金仙維昔下神京渴仰如今海內傾谷裏龍宮千尺
塔牕中鳳闌九重城雲埋舍利諸天護月捧摩尼萬
籟清不必西方尋鷲嶺扶桑留得聖人名

邂逅祐峰和尚無送其東行

共怪紫氛臨福關逢迎偏喜接溫顏留如明月聊浮
水往似孤雲偶出山金錫幾家驅鬼去烏藤何處學

仙攀知君時掉珊瑚舌到處隨緣起世頑

夏日登翠山樓懷石作士幹與方壺山人及諸

幽園梅熟雨初晴樓上回頭動舊情翰墨曾親魚與

水人琴今隔死將生半天岳雪留詩調滿壑林風憶

嘯聲幸有騷人來慰我山中欲繼昔時盟

過岡田生宅

山公信馬弄新晴

邨口欣君擁慧迎窓對峰巒忘市
近庭交松竹愛風清肴鮮海味兼川味曲雅絲聲雜

管聲乘醉不妨歸路遠日高猶倒接羅行

秋日將觀唐澗瀑布發福島途中口號

探勝同人不說勞憑籃山徑興方豪三千何羨連珠
履六七相携傲鳳毛屈曲帶雲遙水斷高低懸錦亂
峰高紫烟猶遠西溪道先過田家命濁醪

觀唐澗瀑布

澗道崎嶇古木橫飛流仰處使人驚雲間噴玉千龍
下巖上懸銀萬縷清濺袖方疑踈雨到動林偏怪疾
雷轟山靈應喜逢騷客賦就誰雙孫綽名

和川合襄平中秋見寄之韻

傾蓋難忘去歲遊思君東望暮雲浮名震鶴雀銜鱸
日譽起霜毫賦月秋千似虹懸熊野水羣飛鶴下玉
津洲大邦我本多知己携手何時倚彩樓

遊驪川溫泉亭

桃發山村小徑移入門溪水映茅茨波濤動座漁磯
近紫翠當軒巖壑奇芳酒傾來時抱瑟香湯浴罷好
圍棋幽亭非學華清富還笑斯川偶號驪

隱山和尚來于岐岨講法且五旬矣將之濃州

因賦此以送

談經秋滯福州關日濟羣生火宅艱偈卓五千餘卷

外燈明七十九傳間自釋尊至師七十九世界將塵界為金界

山指城山作鷲山無奈雲遊終不住參禪何歲接慈

顏

冬日清音樓集時適方壺山人西遊而歸

萬里時平足跡通單身載筆向長空往如司馬浮湘

水歸似張騫到漢宮雪嶺寒高瑤瑟外霜林彩撲錦

囊中馬融門下賢多少今日應言吾道東伯高時自龜南溟所

歸

春夜獨酌

巖峙林深自絕塵閑園夜色對嶙峋百年辛苦忘憂

酒一夢行箴玩世人不笑不言花作友如絲如竹澗

為隣菟裘營去關何事天地飄飄寄此身堂味計夫

遙寄題岡野子言逢源堂

為政優游樂陸沈松門隣市暮煙深高堂春滿鳴絃

興深慵秋閑卧閣心案上梅飛風送雪簾前竹密月

篩金遙知舍外開三徑安擬羊求問碧林

春日同恩田仲任集平君義洗心亭

一別相思二十年，重來話舊坐瓊筵。
簾前花色添文藻，園外禽聲入雅絃。
清興自令山簡醉，高論偶遇仲任賢。
龍門登得歡心甚，遮莫春鴉噪暮天。

平君義及恩田仲任槌口信夫集草堂和信夫

韻

青眼相逢世外情，携來豪興自縱橫。
凭欄畫客兼詩客，揮筆無聲競有聲。
綠酒傾時鶯遶席，朱絃彈處月臨城。
殊欣鄴下諸才子，一夜聯翩接鯁生。

觀春夜宴桃李園圖

春園連榻客為羣，穠李夭桃色自分。
風起白飛筵上雪，月明紅簇樹頭雲。
九州名彥三春會，一夜高歡百代文。
既醉頰乎寧為罰，通宵忘世對芳芬。

中秋登南嶺

山巔高會石為床，伐木聲聲興自長。
翰墨相誇誰李杜，盃盤一醉即羲皇。
煙中蘓水林濃淡，天半駒峰雪渺茫。
垂夕未逢三五色，先收佳景入詩囊。

將之京師留別諸子

服成朝發木江濱提挈冠童六七人驛路幾亭梅柳
候京畿千里艷陽春吟哦欲任煙霞癖留滯寧令
鶴嗔興盡即歸君莫問百年天地浪遊身

九日登翠山樓懷石作士幹

物換前盟不可尋更回重九此披襟水魚曾結師資
契生死今睽爾汝心鱸膾新鮮盤饌玉菊花芬馥
浮金鳳毛猶有起宗在濡翰何妨坐夜深
春園乙亥新年作時寓居東都淺草
香閣鐘鳴報瑞辰雷門曉色綵燈新波溶白馬津前

曙梅映金龍山下春鄉美競光珍值店途平如織綺
羅人殊欣咫尺吾廬靜老膝優游任屈伸

賦得春風春水一時來

日月昭回時載陽開園風水自春光奔流水解含暄
氣深樹梅開飛暗香鯉躍藻中金活潑鈴鳴簷角玉
玎璫休言無見非韶景鬢上難消舊歲霜

三日集池亭與諸賢同賦

荒園不掃草芊芊謬學蘭亭此設筵詩自溫柔天寶
調人都飄逸永和賢花間筆硯臨崖榻池上杯盤繫

柳舟文運循環復將盛，翻飛勿惜郢中絃。

迎山縣文祥兼送其西歸

憶昨江城共撫絃，深山豈謂問松椽。筆凌諸彥流觴，座車破層雲叱馭。天上國元知多士，譽名家頻起濟川。賢厭厭夜飲情難盡，更遲東遊攘臂年。

上巳後二日迎精里先生，日請三日會稿序

池岸花飛雨霽初，摳衣深畏禮容疎。清談縱列龍門客，偶坐堪慚蝸殼廬。詩思熟時忘世累，棋聲響處入仙居。倩君將抗蘭亭興，千古誰雙逸少書。

春日草堂集贈石梁先生

年去年來隙駟過，回頭萬事嘆蹉跎。齊離故國君殊遠，共數頽齡我最多。適世唯須拚酩酊，避人無若競吟哦。野橋山店春應好，更約尋花溯墨河。

哭石塚志堅

空傳祖帳解，携期生死何。思永別離彥，會風流三日。帖客遊高雅十年，詩天官書出明星宿。地理圖成辨夏夷，博物如君本難得。文壇千古使人悲。

哭精里先生

曾從侯國一登庸，入司絃誦助時雍。千年經術誰傳，
統四海詩風獨折衝。忽捨蘭堂嘉客，滿長歸萬里密
雲封。江城君去，寥寥甚空仰天邊，富士峰

和答神保士廉

君嘗大國秉機樞，身退應遺富教謨。魚水三朝輔賢
主，煙波半世混漁徒。鶴城明月催詞筆，旭嶽閑雲倒
酒壺。吾亦抽簪縱藜杖，何時相伴問名區。

池亭賞蓮

小池蓮發覆沙堤，喜見諸賢叩隱栖。心淨羨君如菡

菖，身衰慚我似淤泥。炎雲未散園林外，桐葉纔飄竹
檻西。請脫衣冠永斯日，醉來何問五更雞。

中秋前集高繩門了院

蕭寺相携品水濱，名儒隱士又縉紳。濃雲覆月汀洲
暗，遙靄藏山天地新。揮筆都皆號詩傑，傾杯誰是不
仙人。興來吾欲乘鯨去，此地何知蓬島隣。

酬神保士廉重見寄作

高士安居鶴阜東，重將郢曲破濛濛。雅談縱不同琴
酒，佳興偏欣託雁鴻。主聖堪裁子淵頌，邦平元識晏

嬰功諸藩今各誇文化何似泱泱大國風
秋日過白賁墅同諸子賦

林泉惹我過斯中對景忽思南郭翁
萬仞白蓮輝嶽雪四圍紅錦爛園楓談經世世長傳業遺草編編誰
競工座客相逢同臭味詩成都是盛唐風

再和士廉限江韻

關東為客滯芝江驚見繁華冠萬邦
陌上高軒朝隱隱月前遊客夜雙雙
論交方喜文朋夥閱世偏嗟詩調降
遙羨幽居岑寂地古琴操得倚南窓

除夜作

尊前守歲獨從容屏畫松青九曲重
薩邸聲送風外柝緣山響徹霧中鐘
春來歸計期初夏老去光陰惜暮冬
矯首金城燎火耀方知萬國共朝宗

和古賀溥卿見寄韻

雪裡重辭福島關都門未滯九衢間
別離其奈弦將苦音信遙經水又山
月在客無今夜意花同人老去年
顏春流赤羽橋頭好共榻何時復一攀

東都新年作

歲改東方斗柄移受來七十七春祺滿南草綠通賓
徑巖下冰融洗墨池拂壁殊懸八仙畫試毫先寫九
如詩從今幾度凭籃輦雪裡探梅問碧漪

過聖堂觀釋奠

天霽高門曉霧消大成宮聳入青霄申申玄聖顏如
說侃侃名賢貌似搖日照衣冠禮容肅風吹律呂樂
音飄方今闡里應斯地休道西空隔海潮

三和士廉限微韻

昭代音書通九畿任它千里地相違瓜投瓊報詩如

織日出燭燃光各輝同保高齡耽賦筆齊辭重職伴
漁磯羽山雪色春應好願入新篇照竹扉

四和士廉限虞韻

養痾春滯赤川隅搔首江天據槁梧慚我精神狂又
耄多君事業隱而儒三千里外憐同臭七十年来嘆
隙駒好是餘齡附詞翰暗投休惜賦中珠

春日寄方壺山人及諸詩友

西望萬峰行路賒海天留滯鬢絲加夢中千里蘇溪
雪客裏三年墨水花幸有輕輿供勝具且將新著慰

生涯預期歸日相携去一醉山櫻深處家

寄管禮卿

春風憶昨共探梅一別四年心日哀樓上高歡茶水
外舟中幽興柳橋隈人歸人去吾猶滯歲往歲回君
未來萍梗何時復相聚傾杯更見玉山頽

送方壺山人之筑前

忽爾辭家忽爾行飄遊不待旅裝成煙波曉嘯琵琶湖
水海月夜吟明石城步健山河無險隘交多邑里有
逢迎時維季夏炎蒸甚往矣朝昏慎養生

清音樓集卷之二

